

تأسس ایتمکده ایسهده ایلروسنده دوام وبقای مطاقا معموریت ممالک وبلدان
ورفاهیت اهالی وزیر دستان ایله حصوله کلهجکی جهته اول دخی شمیدیکی حالده
بی اساس حکمنده بولنمش اولدیغندن تأسف وتأثر شاهانه من حددن آشمش وکیجه
وکوندوز حضور وراحت ملوکانه من منسلب اولمشدر . زیرا که بو بایده درکار
اولان افکار خالصه شاهانه منی وکلای عصریه منزه وقت بوقت بالدفعات علناً
بیان وافهام وال برابکیله مملکت وماتمنزه بر خدمت نافع ابرازینه سعی وغیرت
ایلمرینه پک چوق سعی واقدام ایباش ایکن بر ثمره حسنه سی کوریه مہ مسی طو-
غریبی باعث مزید استغراب وبویوزدن قلب هایونمز المناک وپراضطر ابدر .
ایشته بو دفعهده حضور منزه سکا وبالجمله وکلای منزه اکیداً تنبیه ایدر مکه شو اقدام
امال وافکار من اولان معموریت ملک وتبعه خصوصنده نه مقوله اسباب وتدایر

لازم و مقتضی ایسه بمنه تعالی بر آن اول بدء و شروع اولنسی نزد مزده بغایت مطلوب
و ملتزم اولغله بو امر جسم و خیر عظیمه ایجاب و اقتضای حال و مصلحت نه ایسه
مستعیناً بغایه الله تعالی و متوسلاً بروحانیت حضرت رسول کبریا بر طرفدن اتفاق
عقول و آرا و اتحاد عموم و کلا ایله مذاکره و مطالعهیه تشبث و ابتدار اولنسون .
و علی الخصوص بو مرام خیریت انجام ملوکانه مزك بر وفق مطلوب رهین حیز حصول
و کمال اولسی دیناً و دنیویاً هر بر خصوصه ازاله جهل قضیه حکمیه سنه وابسته
اولسیاه منبع علوم و فنون و مأخذ صنایع معارف نمون اولان مکاتب لازمه ایجاد
و انشاسی عند شاهانه مزده اقدام امور دن عد اولغله ممالکک مناسب اولان محللرینه
اقتضا ایدن مکتبلرک تنظیمیه تربیه عامه نك چاره سنه باقلسون و برده در سعادت مزده

غرباً و فقراً ایچون مبرات مخصوصه اولق اوزره بر مستوفی خسته خانه بنا و انشاسی
منوی ضمیر خیریت مصیر ملو کانه من اولدیغندن کورک بو خصوصک و کورک طشره لرده
دخی بو مثللو خیرات عمومیه یه متعلق آثار نافعنه نک بر قدم اقدام وجوده کتیرلمسی
اسباب و وسائل مقتضیه سنه دخی علی الدوام کمال اشتغال و اهتمام ایله بالتذکر اجرای
ایجابی پیدرپی طرف هایونمه عرض واستیذان قلنسون ... الی اخره
خط مذکورک عقیب تلاوتنده حضار موجوده یه خطاباً و شفاهاً بشقه جه
اوامر و تنبیهات سنیه اجرا بیورلدی .